

IPHEPHA ELILANDULAYO

Olu xwebhu, luxwebhu oluguqulweyo oluyikopi yoxwebhu lweKomiti yophicotho olwatyikitywa lwaza lwamkelwa, kwaye iKomiti yoPhicotho ehlanganisiweyo ayinakubekwa butyala xa kuthe kwafumaniseka ukuba akugulwanga ngokuchanekileyo xa bekuguqulwa.

ICANDELO 3 – INGXELO YEKOMITI YABAPHICOTHI-ZINCWADI

INGXELO YEKOMITI YOPHICOTHO YORHULUMENTE WEPHONDO LENTSHONA KOLONI NGESEBE LEZEMFUNDO (IVOTI 5) YONYAKA-MALI OPHELE NGOMHLA WAMA 31 MATSHI 2007.

1. Intshayelelo

IKomiti yoPhicotho inovuyo ukuthi thaca ingxelo yayo yalo nyaka-mali uchazwe ngentla uphele ngomhla wama 31 Matshi 2007.

2. Amalungu eKomiti yoPhicotho nokuHlala kwayo

2.1 IKomiti yoPhicotho inamalungu adweliswe ngezantsi apha. Kufuneka idibane ebuncinaneni ka 4 ngonyaka ngokweMigqaliselo yayo eyamkelweyo ekubhekiselelwe kuyo. Kulo nyaka umiyo kubanjwe iindibano ezi 6.

2.2 Amalungu alo nyaka Inani leendibano ezichotshelweyo

Mnu RG Nicholls (uSihlalo)	6
Gqr L Kathan	4
Mnu J January	3
Mnu R Lalu	5
Mnu M Joshua (Owonyulwe 01 Meyi 2006)	4

3. Umsebenzi weKomiti yoPhicotho

IKomiti yoPhicotho inika ingxelo eyiqulunqileyo ngemisebenzi yayo equlethwe kwiSiqendu 38 (1)(a) soMthetho woLawulo lweZimali zoLuntu, 1999 (uMthetho 1 ka 1999) noMqathango kaVimba 3.1.13 njengoko kuyimfuneko.

IKomiti yoPhicotho ikwachaza nokuba ithabathele kuyo iMigqaliselo ekuBhekiselelwe kuyo efanelekileyo nesesikweni njengesikhokelo sayo sekomiti yophicotho, iphethe imicimbi yayo ngokuthobela esi sikhokelo yaye yenze yonke imisebenzi yayo njengoko kuchaziwe kuso.

4. Ukugqibelela koLawulo lwaNgaphakathi

Ngokokubona kwethu, ngokwengxelo ezifunyenwe kubaboneleli ngeenkonzo nolwazi olufunyenwe kwiintlanganisano zethu zekomiti yophicotho, imeko yolawulo lwangaphakathi inobuthathaka obungamkelekanga yaye ifuna ukomelezwa ngokumandla kunyaka-mali ophela ngomhla wama 31 Matshi 2008. sikwakholelwa nokuba iziphumo zeengxelo ezinikwe ngababoneleli ngeenkonzo zophicotho kufuneka zidale inguqu encumisayo. Igosa eliNika iNgxelo liseke iqela lokubeka esweni uphicotho laliyalela ukuba liqinisekise ukuba kuthathwa amanyathelo afanelekileyo ukukhawulelana noko kufunyenwe kwiingxelo zababoneleli ngeenkonzo zophicotho.

Ukufezekiswa kwalo myalelo ungentla lelinye kumalinge anqabileyo empumelelo. Ukuphunyezwa kwalo myalelo kufuneka kube yeyona nto iphambili kunyaka-mali wama 2007/8.

5. Uphicotho Lwangaphakathi

Njengoko kuchazwe kunyaka ophelileyo yiKomiti yoPhicotho, uphicotho alukhange lugqibelele ngokwaneleyo ukudala inguqu encumisayo efunekayo ngokweziphumo zeengxelo zababoneleli ziiinkonzo zophicotho. Inkqubo yophicotho lwangaphakathi kufuneka iqwalaselwe ngokutsha ngeenjongo zokuqinisekisa ukuba kubonelelwa ngomgangatho onguwo ukuhlangabezana nobuthathaka obalathiweyo nokwenza lula ulungiso oluyimfuneko.

Kuqulunqwe amaqalela enguqu nesicwangciso sophicotho lwangaphakathi sika 2007/8 esinegalelo elilodwa leKomiti yoPhicotho nesebe ukulungiselela le nkqubo ukuba inikezele ngomgangatho onguwo ofunwayo.

Kwenziwa uHlaziyo loThelekelelo loMgangatho liZiko laBaphicothi baNgaphakathi (IIA), kumsebenzi woPhicotho lwaNgaphakathi wePhondo okwanceda neSebe lezeMfundo. IKomiti yoPhicotho ixelwe ukuba umbono ovakaliswe yi IIA ibe ngowokuba umsebenzi woPhicotho lwaNgaphakathi uthobela ngokuyinxalenye kuphela iMigangatho ebekwe yi IIA.

6. Umgangatho wolawulo lonyaka neengxelo zenyanga / kota ezifakwe ngokwe PFMA noMthetho woLwabiwo lweNgeniso

Ngokokubona kwethu kuhlangatyezenwe neemfuno ze PFMA noMthetho woLwabiwo lweNgeniso ziingxelo zenyanga nezekota eziveliswe zanikezelwa kubathathi-nxaxheba.

Iziphumo zenkqubo yoBeko-sweni lwaPhakathi enyakeni kaVimba akukanikwa ngxelo ngazo kwikomiti yethu. Inkqubo enje ingavumela ngokugqibeleleyo ikomiti ukuba ibeke esweni naluphi na utyeshelo olumandla olunokufumaneka.

UMphicothi-jikelele ufumene iqela leempazamo ezimalunga neemfuno zokubeka elubala kwiiNgxelo zoNyaka zeZimali ezingaphicothwanga. Le miba yayifanelwe kukubhaqwa licandelo loLawulo lweZimali Le miba yayifanelwe kukuba ibhaqiwe licandelo loLawulo lweZimali leSetyana loBalo ukulungiselela ulungiso phambi kokuba iiNgxelo zoNyaka zeZimali zifakwe ukuze ziphicothwe.

7. UBuchwepheshe boLwazi

Ubuchwepheshe boLwazi iseyeyona nkalo ifuna ingqwalasela emandla. Inkqubo ezintlantlo-ninzi jikelele nolawulo lwendlela yokusebenza zithathwa njengezingenakuthembeka nguMphicothi-jikelele weSizwe.

Kukwaxelwe kwiKomiti yoPhicotho ukuba ulawulo lwendlela zokusetyenziswa oluphathelele kwigalelo neziphumo zeekhompyutha alukho okanye alugqibelelanga, nto leyo ithetha ukuba ubuthathaka jikelele nobolawulo benza ezi nkalo zibe zezinowona mngcipheko.

Obu buthathaka bubanga ulawulo lokusetyenziswa lungabingomthombo unokuthenjwa, ngokufanayo kwiinkqubo zophicotho nakubasebenzi.

IKomiti yoPhicotho ifumene ingxelo yophicotho yangaphakathi engomsebenzi wePhondo we IT. Le ngxelo yalathe iqela leziphene ezibalulekileyo kwiinkqubo ze IT ezilawulwa yi Ce-I, nto leyo inefuthe nakweli Sebe. IKomiti yoPhicotho iqaphele ukuba obunye kubuthathaka obalathiweyo bumalunga neziseko ze IT eziphelelwe lixesha, iindlela zokuxhasa ezingafanelekanga, iqondo eliphezulu lezikhewu kubasebenzi kwi Ce-I nemiqobo yohlalo-lwabiwo mali.

8. Ukuxatyiswa kweeNgxelo zeZimali

IKomiti yoPhicotho:

- ihlole ngokutsha yaxoxa ngeengxelo zezimali eziphicothiweyo emazibandkanywe kwingxelo yonyaka ekuMphicothi-jikelele neGosa eliNika iNgxelo;
- ihlole ngokutsha incwadi eya yolawulo yoMphicothi-jikelele nempendulo yolawulo kuyo;
- ihlole ngokutsha uhlengahlengiso olumandla olubangwa luphicotho.

IKomiti yoPhicotho iyasingqina yaye isamkela isigqibo soMphicothi-jikelele ngeengxelo zonyaka zezimali ikwanembono yokuba iingxelo zonyaka zezimali eziphicothiweyo zamkelwe zize zifundwe kunye nengxelo yoMphicothi-jikelele.

Isiphelo

Njengoko kwakugqityiwe kunyaka ophelileyo, ulawulo olululo lorhwebo nolawulo olugqibeleleyo, ngokukodwa kwiinkalo zeekhompyutha nolawulo lomngcipheko mayibe zezona zinto ziphambili zinikwa ingqwalasela ziphicolwe kunyaka-mali ophela ngo Matshi 2008.



MNU RG NICHOLLS
USIHLAO WEKOMITI YOPHICOTHO
ISEBE LEZEMFUNDO ENTSHONA KOLONI
UMHLA: 17 Septemba 2007